

Deo Opt. Maximo Gloria!

B. V. MARIÆ in Jerusalem Honor,

Piis Manibus Requies sempiterna.



N foro Mortis nullæ sunt feriæ messium, quin ipsa passim feriat, promiscuè inferias instruat, & mortalium cadavera, velut papavera, demetat. Anno Xii MDCCLIV. mense Augusto, intra ferias, octava Jovis, an Vejovis, dies erat illa fatalis ac feralis, quâ in Vesperam inclinante, Lunâque plenâ jam decrescente, ter de fenestra Castri MORSBROECHII ad Dunam Fl. siti, ter inquam, funestum proclamavit Præco: conclamatum est: Corpus depositum, lotum, unctumque est: verbo vixit, obiit, abiit

REVERENDISSIMUS & EXCELLENTISSIMUS
DOMINUS,

D. JODOCUS MAURITIUS,

LIBER BARO DE DROSTE in SENDEN,

Excelsi Ordinis Teutonici Eques, Archi-Commendator Liberæ Imperialis Balliviæ Confluentinæ, Commendator ad S. Catharinam Coloniae, Dominus Liberæ & Exemptæ Imperialis Dynastiæ in Elsen, necnon in Herrnmulheim & Oedinghoven, &c. Reverendissimi & Serenissimi Principis Electoris Colon. CLEMENTIS AUGUSTI, utr. Bavariae Ducis, Supremi Administratoris Borussiae, altè fati Ordinis Teutonici per Germaniam, Italiam, Partesque transmarinas Magni Magistri, &c. Consiliarius actualis Intimus.



Heu! præcurrit Eques Teutonicus, pedestri Oratorum nano non assequendus: abiit Commendator Provincialis in orbem universum summo elogio commendandus: obdormit Miles paludatus, galeatus, cataphractus, undique CHRISTIANUS, sed morte BEATORUM, morte Senum, cælesti ramen Viatico, ad iter longinquum confirmatus, sine ullo majore impulsu (calculi dolorem exceperis)

ris) intra dies paucos, cum implēset annos grandævæ ætatis LXXXVII. menses IX. dies XXIV. discessum animi à corpore vix sentiens, tranquillissimè conquivit.

Quid reliquum ? ex tot Titulorum, Dignitatūque possessione ad Tumulum efferendæ sunt Reliquiæ ; elapsis igitur feriis ad Inferias iterum proclamat præco : *Exequias JODOCO MAURITIO, Equiti, Commendatori, Socio, Patrono, Parenti, Viro Optimo libentes facite, quibus ire commodum est ; jam tempus est : Ollus effertur.* Duri tenoris horridum programma !

Auditâ hâc Tubâ, itur ad Tumbam ; adsunt Illustrissimi Ballyviæ Administratores, Commendatores, Capitulares, Equites, Presbyteri, Officiarii, Summi Infimique Civitatis ac Provinciæ. Indictâ die X. Septembris, descripto Ordine, Funus Equestre longo platearum tractu conducitur & ad Templum Sanctæ CATHARINÆ re-ducitur.

Agmen claudente Turba pauperum & miserabilium personarum, tanquam Beneficentissimi Parentis jacturam haud fictis lacrymis collu-gentium.

Luctuosâ hâc pompâ Funus sublime è Domo Commendataria, jam in annos L. possessa, loco ante fato repositum non sine mœrore cer-nimus. Itâ potenti Justitiæ, itâ fatorum Arbitro supremo, itâ Parcis placitum fuit, ut actâ sæculi hujus scenâ ultimam perageret catastro-pham Reverendissimus & Excellentissimus noster JODOCUS MAURI-TIUS, ATHLETA CHRISTI & B. V. MARIÆ in Jerusalem, Teutoni-corum nuncupatæ, Miles, inquam, Strenuissimus, ritè initiatus, professus & consummatus, qui ætatem, hoc ævo raram attigerit, grandiore, ut consequeretur, dignissimus fuit.

Barbararum gentium, Thracum ac Scytharum mos esto, Natales hominum flebiliter, Exequias cum hilaritate celebrare ; nos verò Chri-stiani, contrarium facitantes, super funera Christianorum plorare, piis-que Defunctorum Manibus requiem implorare sapientius edocti sumus, maximè eorum, qui corpora quidem naturæ necessitati reddiderunt, virtutum verò suarum memoriam benedictam & immortalem reliquere.

Et si nemo fortè in amplissimo hoc comitatu, ob ætatem memine-rit, magni hujus Militis adolescentiam ac Tyrocinium, cum olim Epif-copi Monasteriensis, postea Electoris Palatini, denique Batavorum mar-tem, copiâsque fœderatas sequeretur, ante annos animūque gerens, curâque virilem, quàm tunc animò promptô & indelassatô didicerit parère,

parere, ut aliquando sciret imperare, classes in figuram strategicam disponere, ut olim præpositus iusto ordine rem conficere, Mauriti Imperatoris exemplo Infidelium ordines confusos dejicere, adversantium facies ferire, acies prosternere intelligeret; nec mirum: SCUTO enim Candido, quod à gentis suæ Majoribus hæreditarium acceperat, nullam degener maculam vecordiae aspergere, hostili autem sanguine cruentatum rubefacere pertinaciter cupiebat.

Pauci etiam erunt, qui Ipsum Anno MDCLXXXV. ad Kal. Martias, Coloniae viderint sacro Baltheo, cruce aureâ, pallioque candido, solemniter investitum, ac post ternos flictus parazonio & calcariibus inauratis accinctum, Sacramento edito, pro fide Christi & Christianorum Religione defendenda palàm jurasse.

Plurimi certè zelum ejus pro cælo non ignorant; quid, quantumque pro cultu divino augendo, restaurandoque præstiterit, difficile est, seorsim narrando persequi: vel ipsæ aræ, cathedræ, templorumque lapides, ut ut elingues sint oratores, affatim eloquuntur, atque organa passim personant; Vos imprimis Ecclesiæ in *Elsen*, *Elfsen*, *Welchenberg*, *Neurath* & *Schlebusch* beneficiorum acceptorum oblivisci nullo ævo, poteritis. Tu quoque Beati GEZELINI Capella, ante cujus fores, cum valetudinis causâ intrare non posset, ex esedo suo, jam agoni ultimo propinquus sacram audivit Missam, benefici Promotoris tui restem & nunc & serò ages.

An nihil de Charitate erga proximum meminerim? omnes, inquit Homerus, diis indigent homines; Ipse Deorum administer sublevabat multorum indigentiam; sed hi gazam Evergetæ suo comparabant futuræ felicitatis; pretium pecuniæ precibus suis compensantes; hanc Virtutem laudant Asceteria utriusque sexûs tam intra, quam extra Urbem posita; hanc confirmant Legata in usus pios foundationum ac Fraternitatum relicta; nec minùs erga familiam, Domesticos, omnesque Suos manum largam aperuit, profusus in alios, sibi parcus, victu cultuque temperantissimus; rectèque æstimavit, honestum esse ac nobile continenter, severè, sobrièque vivere, considerans, ad valetudinem tuendam pauca sufficere, cupiditatem verò, voluptatèque non satiari maximis; hæc pertinet illud M. Tullii paradoxon: *O dii immortales! non intelligunt homines, quàm magnum vectigal sit Parsimonia.*

Infinitam nexuero catenam, ab hoc Feretro ad fines Palestinæ tendentem, si Virtutes *Christiani* hujus *Athleræ* enumerare singulas conarer: animo ejus inerat moderator cupiditatis pudor: inerat ad humanam societatem fides & justitiæ custodia, in perpetiendis laboribus eximia fortitudo, erga Illustrissimum Ordinem devotio peculiaris, in ambiguis cunctatio, in difficillimis rebus tolerantia, in moribus severitas, non acerbitas. Pro scenis, choreis, spectaculis ac quovis lusu præplacebat in palæstra Equus agilis, in silvis venabula, in campo canis venaticus; illa illa sunt, agebat, quæ nobilem ludendi materiam abundè suppeditant; ceterum splendidus erat hortus, stabulis, tapetiis, suppellectilibus, auro argentoque factis, sed exemplo Manilii Curii, nihil in villa splendidius, nihil in domo ornatus fuit, præter Ipsum.

Sic Liber erat, & educatus liberaliter, ut ne nomen nōset servitutis illius, quæ dicitur obedientia fracti animi, & arbitrio carentis suo. Uti ad cursum equus, ad arandum bos, ad indagandum canis, ita ad intelligendum & agendum natus est homo, quasi mortalis Deus; at non sibi soli se natum meminerit, sed Patriæ, Amicis & Suis; hanc Ciceronis, *de finibus Bonorum & Malorum* differentis doctrinam primùm Adolefcens, tum Vir, tum Senex percalluit, nullaque non occasione executus est; erubescendum igitur non putavit, si privilegio, quod vocant, Senioratûs, in Capitulis, in multorum congressibus, in Comitibus Provincialibus vocem Cæsaris Augusti intrepidè usurparet; Audite Senem Juvenes, quem Juvenem audivêre senes. Sic Lacedæmonii, sic Romani fas esse crediderunt, uti quisque ætate antecederet, ita sententiæ principatum teneret. Quanto intervallo amor Patriæ, affectiōque erga Bonum publicum animos Heroum supra reliquos mortales attollit, diisque pares efficit! Dynastias, & Commendarias suas æqualiter, Balliviam suam Confluentinam insigniter colebat, universum verò Ordinem, ceu communem Patriam diligebat: hanc pro ara & focis habebat; huic omnes vitæ rationes consecrabat: hanc omni loco & tempore tuendam, ornandam, ampliandamque susceperat, Jurisjurandi, quod ante annos sexaginta, die solemnisi professionis CHRISTO, & Divæ Virgini Mariæ in Jerusalem, Teutonicorum Equitum Patronæ sacrum dixerat, nunquam & nusquam immemor.

Iis fultus præfidiis felicitatem Statûs Oeconomici, juxtaque publici non solâ pecuniâ metiebatur, ac sustentabat; sed tum opes possidere

tutis-

tutissimas , & pulcherrimas sibi videbatur , si eas Deo , sanctæ Matri , Ordini , Patriæ & Immunitati Ecclesiasticæ in censum arrhâmq; collocaret , exponeret , donaret , allaturas talentum pro talento , sortem pro sorte ; sic decimare mentham & rutam , simul operando charitatem , laudabilis usura est ; Beatus , qui intelligit super egenum & pauperem ! in tam sanctas usuras intentus thesaurizabat divitias nunquam perituras , sed in præmium æternæ felicitatis præparandum destinatas ; quare identidem *Athleta* noster *Christianus* hæc in verba erumpebat : quid Galea pinnata , quid parazonium , ocreæ , calcaria , phaleræ , quid universa Illustrissimi Ordinis armatura profunt , si socioriâ inglorius latitarem , si in otio parva consumerem ? Paulum sepultæ distat inertiae celata virtus ; omnes igitur cogitationes , curasque omnes pro augendo Christi latifundio , pro splendore Ordinis , pro conservando rerum nervo in tempus necessitatis orituræ referebat , semper laboriosus , fortis , magnanimus , secundis incorruptus , adversis indelassatus ; neque magis fortunæ muneribus , quàm prudentiæ characteribus delectari gloriosum existimabat.

Finem faciamus dicendi , non dolendi ; quantò enim plura commemoro , tantò restant ampliora ; quare hujusce loci , temporis ac monumenti religione monitus abrupto Lessum , metuens , ne & vestrâ , Parentatores moestissimi ! patientiâ abutar , magis autem prætimefcens , ne ipsa Emeriti ac Veterani Herois Umbra , nonnihil reductâ casside vultum proferens minaciter increpet : nolo istas pompas : nolo honores posthumos ; satis esto mihi parvum Epitaphium , quod vivens ipse posui , curans *athera* , non *catera*.

Tot ergo tantisque armatus Virtutibus Miles , Eques & ATHLETA CHRISTI festinabat sursum in Patriam , in Jerusalem , Civitatem sanctam , ubi mors ultrâ non erit , neque luctus , neque dolor.

Nunc Palestinæ civitas , *Accaron* expugnata est ; venit Christus , triumphavit Christus , & Miles ejus Antesignanum Ducemque fideliter secutus , post legitimum certamen , cursumque consummatum , coronam gloriæ consecutus , suû desiderio nobis relicto , excessit ,

Silete nenia, silete Tubarum clangores obtusi! parentatum fatis;
dimittenda concio est; Jam extremum inlamar Præco antiquam vale-
dicendi formulam:

ILICET. EXEQUI. ACTÆ. SUNT.
LESSUM. LASSI. DISCEDITE.
EXCELLENTISSIME. JODOCE. MAURITI
ÆTERNUM. VALE.
NOS. TE. ORDINE.
QUO. NATURA. JUSSERIT.
CUNCTI. SEQUEMUR.
ATHLETA. CHRISTI.
DORMI. IN. PACE.

Hæc Funebria adornari curarunt Illustrissimi altissimi Ord. Teut. Equites, &
Commendatores DD. FRIDERICUS CHRISTIAN. L. B. DE MEN-
GERSEN in RHEDOR, ac D. IGNATIUS, COMES de WURM-
BRANDT, quæ Administratores.

STATUA MARMOREA EQUITIS CHRISTIANI

In Lævam cubantis ad Viatorem.

Pro causa Christi vigilavi lustra bis octo;

Dormio nunc, posita casside, lassus Eques,

Tu mea, per Christum, post fata precare Viator!

Ossa tegat Marmor: Spiritus astra petat.

AD CRUCEM NIGRAM.

Excelsi Ordinis Equitum Teuton. Insigne.

In hoc Signo vinces.

Miliciam Christi validè pugnando secutus,

Victorem sequitur post Sacra Bella Duem.

NIGRA licet fuerit, CRUCIS est fiducia NIGRÆ;

Victor in hoc Signo grande Trophæon habet.

Quis dubitet? noster Nonagenarius Heros

Præmia jam rapuit Diribitore Deo.



Silete nenia, silete Tubarum clangores obtusi! parentatum fatis;
dimittenda concio est; Jam extremum inclamat Praeco antiquam vale-
dicendi formulam:

ILICET. EXEQUI. ACTÆ. SUNT.
LESSUM. LASSI. DISCEDITE.
EXCELLENTIS MAURITI

ET

NO

QUO. N

CUNC

ATH

Do

Hæc Funebria adornari

Commendatores DD.

GERSSSEN in RHE

BRANDT, quâ Ad

STATUA MARM

In Lævam

Pro causa Christi v

Dormio nunc,

Tu mea, per Chri

Offa tegat Mari

AD CH

Excelsi Ord

Militiam C

Victor

NIGRA lic

Victor

Quis dubi

Praem

Teut. Equites, &

L. B. DE MEN.

ES de WURM.

STIANI

rem.

ques,

are Viator!

etat.

M,

nfigne.

ueem.

NIGRÆ;

on habet.

CHRIS

stam, ubi mori

Nunc Palat

flus, tr

Ducm

curm

